

容

庶物類纂

草屬

自五十八至六十

太政官文庫			
和書門	特別	一	二
類	類	三	六
		番	號
架	函	冊	冊
四	六	五	冊


內閣文庫	
番號	和 32362
冊數	465 (21)
函號	54 . 1

五十七

共冊







庶物類纂草屬卷之五十八目次

蕨
附蕨粉

毛蕨

微

庶物類纂

卷五十八

草屬目次

蕨

一名龍爾雅

俗名華賴皮

蕨

蕨 爾雅○
音 龜

廣雅云紫萁非也初生無葉可食江西謂之龜音 龜
璞 爾雅

可食之菜也舍人曰蕨一名龜郭云廣雅云紫萁非也初生無葉可食江西謂之龜詩召南云言采其蕨陸璣疏云蕨山菜也初生似蒜莖紫黑色可食如葵是也宋 邢 昺 爾雅 疏

今蕨芽也所在山谷有之音龜宋 鄭 夾 滌 爾雅 註

蕨葉似老 根如紫草按蕨味甘寒滑去暴熱利水
 道令人睡弱陽小兒食之脚弱不行生山間人作茹
 食之四皓食之而壽夷齊食蕨而夭固非良物搜神
 記曰郗鑿鎮丹徒二月出獵有甲士折一枝食之覺
 心中淡淡成疾後吐一小蛇懸屋前漸乾成蕨遂明
 此物不可生食之也 唐陳藏器
本草拾遺

爾雅云蕨藟也菜名陸佃埤雅云蕨初生無葉狀如
 雀足之拳又如人足之蹶故謂之蕨周秦曰蕨齊魯
 曰藟初生亦類藟脚故也其苗謂之蕨菁 明李東璧
本草綱目

蕨處處山中有之二三月生芽拳曲狀如小兒拳長
 則展開如鳳尾高三四尺其莖嫩時採取以灰湯煮
 去涎滑曬乾作蔬味甘滑亦可醋食其根紫色皮內
 有白粉搗爛再三洗澄取粉作粳粒蒸皮作線食之
 色淡紫而其滑美也野人飢年掘取治造不精聊以
 救荒味即不佳耳詩云陟彼南山言采其蕨陸璣謂
 其可以供祭故采之然則蕨之為用不獨救荒而已
 一種紫蕨似蕨有花而味苦謂之迷蕨初生亦可食
 爾雅謂之月爾三蒼謂之紫蕨郭璞云花繁月爾紫

蕨拳曲繁盛故有月爾之名上同

蕨之無益為其性冷而滑能利水道洩陽氣降而不升耗中人真元也四皓采芝而心逸夷齊采蕨而心憂其壽其夭於蕨何與焉陳公之言可謂迂哉然饑人瀕死賴蕨延活又不無濟世之功上同

蕨一名鼈處處山中有之二三月生芽拳曲狀如小兒拳長則展寬如鳳尾高三四尺莖嫩時無葉採取以灰湯煮去涎滑曬乾作蔬味甘滑肉煮甚美薑醋拌食亦佳荒年可救飢根紫色皮內有白粉搗爛洗

澄取粉名蕨粉可蒸食亦可盪皮作線色淡紫味滑

美陸璣謂可供祭祀故周詩采之氣味甘寒滑無毒

去暴熱利水道令人睡焙為末米飲下二錢治腸風

熱毒根燒灰油調傅蛇蟻傷一種紫莖似蕨有花而

味苦名迷蕨初生亦可食明王蓋臣二如亭羣芳譜

製用嫩蕨沸湯燂熟曬乾用時以滾湯浸軟料物拌

食任調葷素上同

此蕨也魏張揖廣雅

爾雅云蕨鼈郭璞注云初生無葉可食廣雅曰紫莖

非也詩義疏曰蕨山菜也初生似蒜莖紫黑色二月
 中高八九寸老有葉淪為茹滑美如葵今隴西天水
 人及此時而乾收秋冬嘗之又云以進御三月中其
 端散為三枝枝有數葉似青蒿長麤堅長不可食用
 秦曰蕨齊魯曰鼈亦謂蕨又澆之後魏賈思勰
齊民要術
 食經曰藏蕨法先洗蕨肥者器中蕨一行鹽一行薄
 粥沃之一法以薄灰淹之一宿出蟹眼湯淪之出焯
 內糟中可至蕨時同上
 蕨菹取蕨暫經湯出蒜亦然令細切與鹽酢又云蒜

蕨俱寸切之

同上

蕨鼈也山菜也周秦曰蕨齊魯曰鼈初生似蒜莖紫

黑色可食如葵

唐陸璣毛詩草
木鳥獸蟲魚疏

爾雅曰蕨鼈初生無葉可食狀如大雀拳足又如其

足之蹙也故謂之蕨周秦曰蕨齊魯曰鼈俗云初生

亦類鼈脚故曰鼈也

宋陸佃
埤雅

蕨生如小兒拳紫色而肥詩及爾雅說文皆云蕨鼈

也郭氏曰江西謂之鼈草木疏云周秦曰蕨齊魯曰

鼈俗云其初生似鼈脚因以名焉召南陟彼南山先

蕨而後薇。薇蕨蓋賤者所食。爾今野人今歲焚山則
 來歲蕨菜繁生其舊生蕨之處。蕨葉老硬數披人誌
 之謂之蕨基。廣雅云蕨紫纂物性云非也。基豈纂之轉邪。
 厥其二字古皆以為助語互用。或當同名以物但加
 草以為志。爾今道路員荷轉移者皆不肖食云。令人
 脚弱。蓋見其形似拘攣之狀。亦或其性自當爾。未可
 知也。名之以蕨蓋謂變矣。蕨猶禮家用之。蕨不復用。
 當知其賤。宋羅願爾雅翼
 自古凶年饑歲民無以食。往往隨所值以為命。如范

蠡謂吳人。就蒲贏於東海之濱。蘇子卿掘野鼠所去
 草實及齧雪與旃毛并燕之。王莽教民煮木為酪。南
 方人饑餓羣入野澤掘鳧茨。鄧禹軍士食藻菜。建安
 中咸陽人拔取酸棗藜養以給食。晉郗鑒在鄒山。兗
 州百姓掘野鼠蟄燕。幽州人以桑椹為糧。魏道武亦
 以供軍。岷蜀食芋如此而已。吾州外邑嶧嵒山在樂
 平德興境。李羅萬斛山在浮梁樂平鄱陽境。皆縣互
 百餘里。山出蕨其乾道辛卯紹熙癸丑歲旱村民無
 食爭往取其根。率以味且荷鋤往掘。深至四五尺壯

者日可得六十斤持歸擣取粉水澄細者煮食之如
 粗粉狀每根二斤可充一夫一日之食冬晴且暖田
 野間無不出者或不遠數十里多至數千人自九月
 至二月終歲抽拳則根無力於是始止蓋救饑羸者
 半年天之生物為人世之利至矣古人不知用之傳
 記亦不載豈他邦不產此乎

宋洪容齋三筆

蕨一名龍莽牙也四皓食之而壽夷齊食之而夭

宋鄭

夾際昆蟲草木略

並海饑民千百數攜鋤上山斫山土蕨根已盡斫不

休力絕筋疲未言苦屋頭五日無炊煙十步九卻行
 不前全家性命係朝莫弱子假息阿母眠昨日斫蕨
 僅盈斗今日蕨根不滿手但憑斫蕨保餘生再拜青
 山感恩厚青山青山爾勿猜明朝未死攜鋤來

蕨其行○

明方正學集

予見湖中被荒時教之採蕨其苗曰蕨其春初可作
 菜其根深者至三四尺每根二斤擣取粉水澄細者
 可充一夫一日之食自九月至二月可採至三月穿
 芽則根虛不可食可救半荒也元人黃君瑞歌云

信哉鄉民蔽作糧三月懷飢聚頭突蔽其開葉不可
食蔽根有粉聊鉏鏡觀此則三月以後不可食矣蔽
性極寒損胃氣須雜米粉食之否則病黃明徐獻忠
吳興掌故

蔽或曰薇也中春破地而出其形如拳可採為茹過
此則生葉矣處處山中有之明許希周
藥性奇方

蔽爾雅云蔽鼈也初生可茹其根可以為粉八閩
通志

蔽粉歲飢人多賴以濟同上
蔽爾雅曰蔽鼈也郭璞注初生者可道福州
府志

蔽出溪澗秀取拳芽為蔽菜擣其根為蔽粉山縣出

泉州
府志

蔽爾雅蔽鼈詩言採其蔽爾雅翼曰野人今歲焚山
則來歲蔽菜繁生負荷者皆不肖食云令人脚弱名
之以蔽蓋謂蹙矣其葉未抽時擣其根可粉清流羅
永恭擣蔽歌南村北村日卓午萬戶喧囂不停杵初
疑五丁驅金牛又似催花羯鼓原來村人擣蔽蒸
頃刻化作黃塵飛一聲忽高一聲急聲聲透天徹地
脉婦男子侄爭獻力傾筐漕漕流玉液液玉液還嘆

息今晨猶一炊明朝無顆粒山妻空倚門癡兒號面
壁勤劬頻擣豈辭疲全家擬療三時饑堆盤炊熟紫
碼碯入口嚼碎明琉璃溶溶漾漾甘如飴但覺餒腹
回春熙息肩弛擔氣尚喘荷鋤又入南山陸君不見
晉安司馬食肉糜艱難稼穡全未知又不見商山老
人只茹芝豈識有此風味奇賢愚千載誰是非我歌
躑躅聊解頤方今太倉徒爾為賑恤詔令聞見稀蒼
生如此困貧餒安得斗米三四文錢時汀州府誌
蕨搜神記曰郗鑿鎮丹徒二月出獵有甲士折一

食之覺心中淡淡成病後吐一小蛇懸之屋前漸乾

成蕨明此物不可生食也重修鎮江府志

蕨有龍頭蕨青蕨二種水漬數日乃可食山中擣粉

作丸食之或雜充夷船之沙穀米肇慶府志

蕨初生可茹根可作粉南昌府志

蕨擣其根漉粉可以療饑萬曆杭州府志

蕨根春為粉俗名山粉出泰順溫州府志

蕨越山谷間多有土人不知食金衢人來者每採食

之味似萹蒿其根為粉可當麪食紹興府志

蕨根可作粉 福寧州志

蕨即爾雅所謂蕨鼈 儋州志

蕨根春為粉俗名山粉出泰順 同上

蕨爾雅云蕨鼈以其初生似鼈脚也又似小兒拳 江陰縣志

縣志

蕨爾雅蕨鼈郭注曰初生無葉可食詩言採其蕨陸

璣曰蕨山菜也初生似蒜雅翼曰野人今歲焚山則

來歲蕨菜繁生負荷者皆不官食云令人脚弱名之

以蕨蓋謂蹙矣生溪山中者搗其根為粉 海澄縣志

蕨根可作粉 新修餘姚縣志

蕨根可為粉食 寧洋縣志

蕨爾雅蕨鼈詩言採其蕨爾雅翼曰野人今歲焚山

則來歲蕨菜繁生負荷者不官食云令人脚弱名之

以蕨蓋謂蹙矣其葉未抽時搗其根可粉皇朝政和

令黃裳採蕨詩皇天養民山有蕨蕨根有粉民爭掘

朝掘暮掘山欲崩救死豈知筋力竭明朝重擔向溪

澗濯彼清冷去泥土夫春婦漉呼兒炊饑腹雖充不

勝苦棠陰諸公知不知朝夕思餐醲與肥賑饑無策

未足怪胡忍剝我民膏脂嗟予忝為斯邑宰致民多
 饑顛生此但願皇天憐爾苦五日一風十日雨雨順
 風調五穀登蕨根滿山長不取清流入羅水恭禱蕨
 歌南村北村日卓午萬戶喧翼不停杵初疑五丁驅
 金牛又似摧花過羯鼓原來村人擣蕨其頃刻化作
 黃塵飛一聲或高一聲急聲聲透天徹地脉婦男子
 侄爭獻力傾筐漕漕流玉液流玉液還嘆息今晨猶
 一炊明朝無顆粒山妻空倚門癡兒號面壁勤劬頻
 擣豈辭疲全家擬療三時饑堆盤炊熟紫碼碯入口

嚼碎明琉璃溶溶漾漾甘如飴但覺餒腹回春煦息
 肩弛擔氣尚喘荷鋤又入南山種君不見晉安司馬
 食肉糜艱難稼穡全未知又不見商山老人只茹芝
 豈識有此風味奇賢愚千載誰是非我歌躑躅聊解
 頤方今太倉徒爾為賑恤詔令聞見稀蒼生如此困
 貧餒安得斗米三四文錢時闕書
 蕨菜出曲阜三月初生無葉時居人採之為道即毛
 詩傳所謂鼈也山東通志
 蕨土人云豐年不見每遇饑年徧有衡岳志

蕨生不可食 虎丘山圖志

蕨粉

一名山粉 儋州志

草屬 蕨粉

蕨粉

自古凶年饑歲民無以食往往隨所值以爲命如范蠡謂吳人就蒲贏於東海之濱蘇子卿掘野鼠所去草實及齧雪與旃毛并咽之王莽教民煮木爲酪南方人饑餓羣入野澤掘芡茨鄧禹軍士食藻菜建安中咸陽人拔取酸棗藜藿以給食晉郗鑒在鄒山兗州百姓掘野鼠蟄燕幽州人以桑椹爲糧魏道武亦以供軍岷蜀食芋如此而已吾州外邑嶧嵒山在樂平德興境李羅萬斛山在浮梁樂平鄱陽境皆縣互

百餘里山出蕨其乾道辛卯紹熙癸丑歲旱村民無食爭往取其根率以味且荷鋤往掘深至四五尺壯者日可得六十斤持歸擣取粉水澄細者煮食之如粗粒狀每根二斤可充一夫一日之食冬晴且暖田野間無不出者或不遠數十里多至數千人自九月至二月終蕨抽拳則根無力於是始止蓋救饑羸者半羊天之生物為人世之利至矣古人不知用之傳記亦不載豈他邦不產此乎

宋洪容齋三筆

休力絕筋疲未言苦屋頭五日無炊煙十步九卻行不前全家性命係朝莫弱子假息阿母眠昨日斲蕨僅盈斗今日蕨根不滿手但憑斲蕨保餘生再拜青山感恩厚青山青山爾勿猜明朝未死攜鋤來

明方正學集

蕨其行○

予見湖中被荒時教之採蕨其苗曰蕨其春初可作菜其根深者至三四尺每根二斤擣取粉水澄細者可充一夫一日之食自九月至二月可採至三月穿芽則根虛不可食可救半羊荒也元入黃君瑞歌云

信哉鄉民蔽作糧三月懷飢聚頭哭蔽幕開葉不可
食蔽根有粉聊鉏鑿觀此則三月以後不可食矣蔽
性極寒損胃氣須雜米粉食之否則病黃明徐獻忠
吳興掌故

集

蔽有龍頭蔽青蔽二種水漬數日乃可食山中搗粉
作丸食之或雜充夷舶之沙穀米肇慶府志


蔽根春為粉俗名山粉出泰順德州志

蔽爾雅蔽鼈詩言採其蔽爾雅翼曰野人今歲焚山
則來歲蔽菜繁生負荷者皆不肖食云令人脚弱名


之以蔽蓋謂愛矣其葉未抽時搗其根可粉皇朝政
和今黃裳採蔽詩皇天養民山有蔽蔽根有粉民爭
掘朝掘暮掘山欲崩救死豈知筋力竭明朝重擔向
溪澗濯彼清冷去泥土夫春婦噓呼兒炊饑腹雖充
不勝苦崇陰諸公知不知朝夕思餐醲與肥脈饑無
策未足怪胡忍剝我民膏脂嗟予忝為斯邑宰致民
多饑額生泚但願皇天憐爾苦五日一風十日雨
順風調五穀登蔽根滿山長不取清流人羅水恭禱
蔽歌南村北村日卓午萬戶喧驚不停杵初疑五丁

驅金牛，又似摧花，搗羯鼓，原來村人擣蕨，其頃刻化
作黃塵飛，一聲或高，一聲急，聲聲透天，徹地脉，婦男
子姪爭獻力，傾筐漕漕流玉液，流玉液還嘆息，今晨
猶一炊，明朝無顆粒，山妻空倚門，癡兒號面壁，勤劬
頻擣，豈辭疲，全家擬療三時饑，堆盤炊熟紫碼碯，入
口嚼碎，明琉璃溶溶漾漾，甘如飴，但覺餒腹回春熙，
息肩弛擔，氣尚喘，荷鋤又入南山，陞君不見，晉安司
馬食肉糜，艱難稼穡全未知，又不見商山老人，只若
芝，豈識有此風味，奇賢愚千載，誰是非，我歌躑躅聊

解頤方今大倉徒爾為賑恤，詔令聞見稀，蒼生如此
困貧餒，安得斗米三四文錢時。
書



毛蕨



草屬 毛蕨

一

毛蕨

江少微幼時見佃僕值荒年採蕨食之誤採毛蕨子
 女三人同食覺麻而弱者死大父聞之曰毒麻投以
 薑湯飲之愈明江權名醫類案

薇

一名垂水
爾雅

俗名折莫埋異

薇

薇垂水爾雅

生於水邊晉郭璞爾雅註

草生於水濱而枝葉垂於水者曰薇故註云生於水

邊也宋邢昺爾雅疏

薇菜生水邊宋鄭夾漈爾雅註

謹按薇蕨類山菜也其葉樣色稍類萍好生於山中溪澗之側莖蘇長大枝葉低垂故曰垂水春初採拳芽燻熟淘淨可作蔬茹召南之詩陟南山以

采之。小雅山有蕨薇。伯夷采薇于西山。皆此物也。唐陸璣不知薇同名。而異實者有數種。而以莖葉似小豆蔓生之薇。釋蕨薇之薇。非是也。埤雅爾雅翼本草綱目等書皆承其謬也。夾漈鄭氏以為金櫻芽者亦視薇葉有略類金櫻刺葉誤之爾。

薇生水傍。葉如萍。爾雅云薇垂水。三秦記夷齊食之三年。顏色不變。武王戒之不食而死。然詩云采薇者金櫻芽也。宋鄭夾漈昆蟲草木略

薇味甘寒無毒。久食不飢。調中。利大小腸。生水傍。葉

似萍。爾雅曰薇垂水也。三秦記曰夷齊食之三年。顏色不異。武王誡之不食而死。廣志曰薇葉似萍可食。利人也。唐陳藏器本草拾遺

薇山菜也。莖葉皆似小豆蔓生。其味亦如小豆。藿可作羹。亦可生食。今官園種之。以供宗廟祭祀。唐陸璣毛詩草木鳥獸

蟲魚疏

爾雅云薇垂水。郭註生于水邊。邢疏草生于水濱。而枝葉垂于水者曰薇。鄭註薇菜生水邊。埤雅爾雅曰薇垂水。好生水邊。故曰垂水。似藿菜之微者也。微者

所食故詩以采薇言戍役之苦而草蟲序于薇後爾雅翼薇垂水言生于水邊而召南之詩陟南山以采之故陸璣云山菜也又詩稱山有蕨薇而伯夷采薇于首陽山其歌曰登彼西山兮采其薇矣其後說者以為普天之下莫非王土食其土之所出即為之臣于是不可食而死通志云白薇曰白幕曰薇草曰春草曰骨美又云薇生水旁葉如萍然詩云采薇者金櫻芽也胡明仲云荆楚之間有草叢生脩條四時發穎春夏之交花亦繁麗條之腴者大如巨擘剝而食之

甘美野人呼為迷陽疑莊子所謂迷陽迷陽無傷吾行即此名物疏云按本草薇有二種生平原川谷似柳葉者白薇也生水旁葉似萍者薇也詩云陟山采薇又云山有蕨薇則是山菜非爾雅所云垂水者也埤雅混而一之誤矣然陸璣稱葦葉如小豆蔓生璣親見官園所種所言必審復非似柳之白薇鄭漁仲謂是金櫻芽不知何據朱子胡氏皆以為迷陽而一云味苦一云甘美又自不同惟項安世以為今之野豌豆蜀人謂之巢菜有合陸璣之疏明毛晉陸疏廣要

謹按以采薇之薇為巢菜非是

薇小巢菜也三秦記曰夷齊食之三年顏色不異武王誡之不食而死鄭樵曰薇鼈莽芽也四皓食之而壽夷齊食之而夭漁仲愚矣程子曰夷齊不食周祿耳采薇餓死言菜食以沒世也說文曰薇似藿詩之采薇作于歲莫至夏而剛也公食大夫禮劔芼豕以薇非爾雅薇垂水元恪曰薇山菜非垂水廣志曰薇葉似萍本草有薇有白薇疑即苦益菜冬晚抽牙至春柔美夏而剛宜芼豕項安世曰今之野豌豆也蜀

人謂之小巢菜豌豆謂之大巢子瞻曰巢元修嗜之因名元修菜詩正義亦云莖葉似小豆蔓生漁仲以薇為金櫻芽朱子以薇為迷陽演繁露曰吾鄉呼薇為苦遮項安世戴侗則以為大巢菜藏器曰巢菜翹搖即爾雅之杜夫搖車也蕨有蕨其狼其蕨其初如小兒拳粉可食曰烏昧亦曰烏稷爾雅曰蕨鼈紫蕨一名月爾即紫蕨也月令廣義曰薇灰滌菜也紅者佳白曰蛇灰有毒宋嘉祐本草作灰藿智按即藜也名曰獨掃老可拄杖盱眙馮應京分之極是然可通

稱也白薇紫薇薔薇 明方以智通雅

沈仕林下清錄曰猿啼之地多蕨每一聲遽生萬莖南越志高潘州有千歲蕨拄杖朱子以薇為迷陽項氏家訓曰薇大藁菜也廣義以薇為藜少夫曰薇蕨一種言其初生微也藏器曰夷齊食蕨而夭爾雅垂水薇呂覽曰菜有雲夢之豆其水蕨乎 清皖桐方氏物理小識

庶物類纂草屬卷之五十九目次

貫衆

格注草

紅茂草

仙人掌草

本草綱目卷之九

貫衆

一名灤爾雅一名貫節神農本草一名貫渠同上
 百頭同上一名虎卷同上一名扁符同上一名草鵝頭同上
 一名伯萍別名醫錄一名藥藻同上一名草鵝頭同上
 一名鳳尾草本草圖經一名黑狗脊本草綱目一名貫
 中同上一名貫仲同上一名管仲同上

俗名繫地那和筑前州一名禿賴那和和泉州

本草綱目卷之九

草屬 貫衆 一

本草綱目 卷五十九

貫衆

灤貫衆

爾雅○灤音
灤衆音終

葉圓銳莖毛黑布地冬不死一名貫渠廣雅云貫節

晉郭璞
爾雅

藥草名也一名灤一名貫衆本草云一名貫節一名

貫渠一名百頭一名虎卷一名篇苻一名伯萍一名

藥藻此謂鵝頭陶注云葉如大蕨形色毛芒全似老

鵝頭因名之郭氏云葉圓銳莖毛黑布地冬不死一

名貫渠廣雅名貫節宋邢昺
爾雅疏

無勿類集

卷五十九

草屬

貫衆

二

音燦即鳳尾草根

宋鄭夾深爾雅註

貫衆陶隱居云近道亦有葉如大蕨其根形色毛芒全似老鷓頭故呼為草鷓頭臣禹錫等謹按爾雅云灤貫衆注葉圓銳莖毛黑布地冬不死一名貫渠廣雅云貫節蜀本云一名樂音洛藻又圖經云苗似狗脊狀如雉尾根直多枝皮黑肉赤曲者名草鷓頭療頭風用之今所在山谷陰處有之嘉祐補注本草

莖蘇三稜葉綠色似小鷄翎又名鳳尾草根紫黑色

形如大瓜下有黑鬚毛又似老鷓爾雅云灤舒若切貫

衆郭璞注云葉圓銳莖毛黑布地冬不死廣雅謂之

貫節是也三月採根曬乾荆南人取根為末水調服

一錢七止鼻血有效本草圖經

貫衆多生山陰近水處數根叢生一根數莖莖大如

筋其涎滑其葉兩兩對生如狗脊之葉而無鋸齒青

黃色面淡背淺其根曲而有尖背黑鬚叢簇亦似狗

脊根而大狀如伏鷓明李東璧本草綱目

別錄曰貫衆生玄山山谷及宛句少室山中蘇氏曰今陝西河東州郡及荆襄間多有之出陰山近水處數根叢生每根必有多莖貫之故名貫衆莖有三稜如蕨狀大如筋有黑汁涎滑其葉兩兩對生如雞翎及鳳尾又似狗脊葉而但無鋸齒色青黃面淡背淡四月開白色花七月結實黑相聚聯卷而秀生其根曲而有尖黑鬚叢簇亦似狗脊根狀及伏鴟皮黑肉赤直而多枝若百枝狀冬夏不死雖乾枯見水即活人家置水缸中可吸水底塵垢揚之不使渾濁明倪朱謨

本草
彙言

鳳尾本草經名貫衆圖經曰葉綠色如小雞翅廣雅謂之貫節海澄縣志

灤貫衆即鳳尾草郭注灤貫衆引廣雅貫節一名貫渠冬不死疏曰一名百頭虎卷篇附伯萍藥藻老鴟頭鄭樵曰灤即鳳尾草時珍曰一名黑狗脊按黑狗脊即豬脊一名鳳尾葉似鳳尾竹幹如大豬鬃可治遺精者也貫衆似蕨葉開張近小茅薑亦名鳳尾又金星草一名鳳尾明方以智通雅

庶物類集 卷五十九

格注草

俗名烏賴施魯州山城又名施打州丹後

庶物類集 卷五十九

草屬 格注草 一

本草綱目卷之九十九

格注草

格注草味辛苦溫有大毒主蠱疰諸毒疼痛等生齊
魯山澤唐本注云葉似蕨根紫色若紫草根一
株有二十許二月八月採根五月六月採苗日乾
附唐本先嘉
祐補注
本草

本草綱目卷之九十九

草屬 格注草 二

紅茂草

一名地沒藥

本草圖經

一名長生草

同上

草屬

紅茂草

一

本草綱目卷之九



紅茂草

紅茂草生施州又名地沒藥又名長生草四季枝葉繁盛故有長生之名大涼味苦春採根葉焙乾搗羅為末冷水調貼癰疽瘡腫

本草圖經


本草綱目卷之九

草屬

紅茂草


二

庶物類集 卷五十九



仙入掌草

一名仙掌
天台山
方外志



庶物類集 卷五十九

草屬

仙入掌草

一

本草綱目卷之九



仙入掌草

仙入掌草生合州筠州味微苦而澀無毒多於石壁上貼壁而生如入掌故名之葉細而長春生至冬猶青無時採彼土人與甘草浸酒服治腸痔瀉血不入衆藥使本草圖經

仙入掌多貼石壁上生如入掌故名能治腸痔瀉血八關通志

仙入掌石壁上貼生如入掌治痔瀉血福州府志
仙入掌多貼石壁上如入掌能治腸痔瀉血汀州府志

本草綱目卷之九 草屬 仙入掌草 二

仙人掌圖經曰石壁_上貼_于壁_而生_如人_掌故名_{海澄縣志}
仙人掌生_{石壁}上_如人_掌
天台山 方外志

庶物類纂草屬卷之六十目次


- 鳳尾草
- 石長生
- 卷柏
- 千年柏
- 萬年松
- 石松
- 地柏

鳳尾草



鳳尾草

一名鐵線草
肇慶府志



植物類纂

草屬 鳳尾草 一

鳳尾草



鳳尾草

鳳尾草形如鳳尾葉背有金星

宋陳自明外科精要

鳳尾草柔莖青色葉長寸餘附莖對生每邊各七八

葉相連本寬以漸而狹頂尖葉邊亦有小尖儼如鳳

尾喜陰春雨時移栽見日則瘁

明王蓋臣二如亭羣芳譜

治赤痢將鳳尾草切段煎濃湯服之即愈

明馮時可衆妙仙方

謹按明徐陟簡便諸方同

治跌撲損傷爛者只用鳳尾草一味搗敷患處或以

此草煎湯洗亦可鳳尾草在池邊井邊尋討

同上

無物類

卷六

草屬

鳳尾草

二

鳳尾草形如鳳尾葉背有金星明孫一奎赤水玄珠

鳳尾草一名鐵線草生院宇砌間葉青有六七絲迎

風搖曳若鳳尾然肇慶府志

鳳尾草野生葉愈痢瓊州府志

鳳尾擣汁愈痢雷州府志

鳳尾白脚者治痢疾福州府志


鳳尾野生葉愈痢儋州志

鳳尾多生牆垣間以形似名江陰縣志

鳳尾草綠葉長披若鳳尾重修靖江縣志

鳳尾草生巖石間葉如鳳尾性寒入痢藥用鳳山志

庶物類纂
卷六十一



石長生

一名丹草

神農本草

一名長生草


益部方物略記

俗名革賴思那挨施
越中 又名搖眉草
白
江州

庶物類纂
卷六十一

草屬
石長生
一

本草綱目卷之六十一



石長生

石長生陶隱居云俗中雖時有採者方藥亦不復用近道亦有是細細草葉花紫色爾南中多生石巖下葉似蕨而細如龍鬚草大黑如光漆高尺餘不與餘草雜也唐本注云今市人用巖筋草為之葉似青箱莖細勁紫色今太常用者是也嘉祐補注本草石長生四時不凋故曰長生宋祁益部方物記長生草生山陰蔽地修莖草葉色似檜而澤經冬不凋明李

東璧本草綱目

本草綱目卷之六十一

草屬

石長生

二

長生草山陰蔽地多有之修莖茸葉色似檜柏而澤
 經冬不凋損故號長生色與柏類茸茸其莖冬不甚
 黃故謂長生宋宋祁益部方物略記

卷柏

一名萬歲神農本草 一名豹足名醫別錄 一名求股同上
 一名交時同上 一名長生不死草本草綱目 一名長
 生草紹興府志 一名萬年松天台山方外志 一名不死草
 通雅 一名豹芝同上

俗名異法虛拔



卷柏

卷柏陶隱居云今出近道叢生石土上細葉似柏卷
屈狀如雞足青黃色用之去下近石有沙土處嘉祐補註

草本

卷柏生常山山谷間今關陝沂兗諸州亦有之宿根
紫色多鬚春生苗似柏葉而細碎拳學如雞足青黃
色高三五寸無花子多生石上五月七月採陰乾去
下近石有沙土處用之本草圖經

卷柏豹足象形也萬歲長生言其耐久也明李東璧本草綱目

別錄曰卷柏生嘗山山谷蘇氏曰今關陝及沂兗諸
 州亦有之叢生石上春分宿根再發高三五寸細葉
 似側柏遇雨舒開如掌經晴卷束如拳根紫亦多鬚
 無花子六七月采取洗去沙土陰乾用明倪朱謨
本草彙言
 卷柏葉如柏狀如雞足生於陰崖宋鄭夾漈昆
蟲草木略
 卷柏一名豹芝乾之可收水浸即青翹滋茂故名不
 死草廣中別名不死草則挂蘭也又有石柏石松即
 所稱千年柏萬年松也生石上長四五寸紫花清虞
升聞
 諧聲品
 字箋

卷柏生石上高四五寸根黃如絲細上有黃點子取

枝焙乾用明王月堂
證治準繩

卷柏春生苗似柏葉而細碎拳學如雞足青黃色高
 三五寸無花實多生石上雖甚枯槁得水即蒼翠俗
 呼長生不死八閩
通志

卷柏俗呼為長生不死草生四明山雖甚枯槁得水
 復鮮活謝靈運山居賦云卷柏萬代而不死寧波
府志
 長生草又名卷柏生四明山雖甚枯槁得水即蔥翠
 甚為異也紹興
府志

卷柏生四明山雖甚枯槁得水復鮮活俗呼長生草

謝靈運山居賦云卷柏萬代而不死是也浙江通志

卷柏本草經一名萬歲俗呼長生草即甚枯槁得水

即活謝靈運山居賦曰卷柏萬代而不死是也陶隱

居曰葉細似柏卷屈狀故名○鄭氏謁文云卷柏藥

草附生山巔屈卷成性終無自伸海澄縣志

長生草一名卷柏產四明山拔之久而枯沃之以水

輒榮新修餘姚縣志

生卷柏生石上土人謂之萬年松曝之葉卷得水葉

舒雖藏於箱篋經年猶有生意天台山方外志

卷柏一名豹芝乾之可收以水浸之即青翹滋茂故

名不死草廣中有不死草則挂蘭也明方以智通雅

長生草一名豹足一名萬年松究竟即卷柏也產自

常山之陰今出近道其宿根紫黑色而多鬚春時生

苗似柏葉而細碎拳孿如雞爪色備青黃綠高三四

寸無花實多生石上雖極枯槁得水則蒼翠如故或

梁不用滋培彌歲長青或藏之中筭中復取砂


水植之不數日即活可為盆玩清陳湜子祕傳花鏡

卷柏。穀曰出常山山谷關陝沂兗亦有之。叢生石上。春分宿根再發。高三五寸。細葉似側柏。屈藏如雞足。根紫赤多鬚。六七月采取。陰乾。清劉若金本草述

千年柏

一名石柏。諧聲品字箋

俗名眉虛拔。山城州



千年柏

楚中有萬年松長二寸許葉似側柏藏篋筥中或夾
 冊子內經歲不枯取置沙土中以水澆之俄頃復活
 不知其所從出或云是老苔變成者然苔無莖無根
 而彼莖亦如松柏有根鬚數條未必是苔也
明謝肇淛五雜俎

又有石柏石松即所稱千年柏萬年松也生石上長
 四五寸紫花
清虞升聞諧聲品字箋



萬年松

一名玉伯
嘉祐補註本草
一名玉遂
同上

草屬

萬年松

一



萬年松

玉伯味酸溫無毒主輕身益氣止渴一名玉遂生石
 上如松高五六寸紫花用莖葉臣禹錫等謹按陳藏
 器云今之石松生石上高一二尺山人取根莖浸酒
 去風血除風瘰宜老伯應是柏字傳寫有誤嘉祐補註本草
 玉柏此即石松之小者也人皆采置盆中養數年不
 死呼為千年柏萬年松明李東璧本草綱目
 謹按千年柏萬年松各自一種不同
 萬年松出祝融峰懸崖上本草類高者三四寸許凌

冬不彫連根拔之收於中筭中歷數十年取而植之
 蒼翠如故又拔而收之再經歲月出而復植亦如之
 岑樓慎氏曰予游天台玉京洞鴈蕩靈巖寺龍湫等
 處萬年松觸地皆是然不如玉京洞中所生者圓如
 傘蓋而蒼翠可愛予試之果如前記但衡嶽未遊不
 知同否又有萬年草產於石梁之下採者甚艱植於
 盆中信與菖蒲爭秀也因併記之
明慎懋官華夷花木續考
 楚中有萬年松長二寸許葉似側柏藏篋筭中或夾
 冊子內經歲不枯取置沙土中以水澆之俄頃復活

不知其所從出或云是老苔變成者然苔無莖無根
 而彼莖亦如松柏有根鬢數條未必是苔也
明謝肇淛五雜俎

繇祠北降而東取道松間忽有物行松上大如鼠尾
 芄芄然聞人聲矍視不復動僕輩拊掌激之越樹去
 行二里所至山祠入觀焉山水畫滿壁頗似范寬家
 法而渾不及化老君殿中居楊師迓余謁之師出果
 茗松花粉供余竝以萬年松數十本為贈蓋卷柏之
 屬而不屈者雖有松柏名不過石上小草耳卷柏亦

以萬歲見稱於本草則知二物固皆稿而不死者矣
王履過東峰記
○皇明文徵

萬年松出祝融峰懸崖上本草類高者三四寸許凌
冬不凋連根拔之水中筍中歷數十年取而植之蒼
翠如故又拔而收之再經歲月復植亦復如是衡嶽志
岩松生於懸崖絕壁間高三四寸婆婆類松久藏枯
瘁得水即青翠活武夷山志又名萬年松

石松

俗名己紫程那和措設

石松


臣禹錫等謹按陳藏器云今之石松生石上高一二尺山人取根莖浸酒去風血除風癢安老嘉祐補註本草

石松此即玉柏之長者也名山皆有之明李東璧本草綱目

又有石柏石松即所稱千年柏萬年松也生石上長四五寸紫花明方以智通雅

陳氏曰石松生天台山石上似松高一二尺山人取根莖用諸名山皆有之明倪朱謨本草彙言

本草類集
卷六十一




地柏

俗名革賴哥結

本草類集
卷六十一
草屬
地柏
一

唐物類彙編 卷之六



地柏

地柏生蜀中山谷河中府亦有之根黃狀如絲莖細
上有黃點子無花葉三月生長四五寸許四月採暴
乾用蜀中九月藥市多有貨之主臟毒下血神速其
方與黃耆等分末之米飲服二錢蜀人甚神此方誠
有效也 本草
圖經
地柏此亦卷柏之生于地者耳 明李東璧
本草綱目

無勿頁集 卷之六 草屬 地柏 二

原
字
類
集

卷
六
一

